

Дөрлдэг улм өргөр делгрүлджәнәвдн

Өдгә цагт Каспийск района „Вторая пятилетка“ колхозин малчнр, хөбчнр болн загъсчнр КПСС-н XXI-ч хургиг диилвр-тәгъәр тосхин төлә социалистическ дөрлдә өргөр делгрүлдж, малас авдг шим-шүүс икәр гаргъдж, загъс икәр бәрдж, орн-нутгтан үс, тос, мах, ноос болн загъс икәр орулдж өгхин төлә ноолдджана.

Эн джил мах, үс, тос болн загъс Төрскндән орулдж өгх джилә зурагъан болзгаснь урд кұцәв. Үлгүрлхд, махна зур-агъан 106 процент, үснә—125 процент, бндгнә—102 процент, загъсна—135,4 процент кұцәв.

Колхозин производственн кōдлмшт нүүрт йовх колхоз-никуд олн. Келхд, загъс анъ-нлгъна үр Ф. Докучаевин звено джилә зурагъан 183 процент, үр Бадма-Халгаевин звено—172 процент, С. Дроздовин—171 процент, Е. Егоровин—163 процент күргдж кұцәв.

Селәнә эдл-ахун халхар кōдлджәх саальч үр Т. Михина, малчнр үр Б. Улюмджиев,

Т. Налыков, Н. Михин, ах хөбч үр Б. Дорджи-Гаряев, П. Мангашов болн нань чигн колхозникуд хәләджәх маласн авдг шим-шүүс гаргългъарн районд түрүн орм эзджәнә.

Колхозникуд ик диилвр кұ-цвдн гидж санамрдджахмн уга. Эн джил чилтл эн диил-врән улм өскхәр шинәс өбдән даалгъвр авб. Алдр Октябрьск социалистическ революцин 41-ч джилин өбн кұртл 1000 центнер загъс бәрдж, государ-ствд өгхмн гидж батта үгән өгв.

Авсн даалгъвран болзгаснь урд кұцәхин төлә цуг колхоз-никуд шунджацхана.

Колхозникуд авсн даалгъв-ран чинртәгъәр кұцәхнь лавта. Тер юнъгад гихлә, загъсчнр тенъгсүр цаглагъан гарсн деерән, түрүн өдрәсн авн загъс сәәнәр анънгдджана, тер мет малчнр чигн маласн гардг шим-шүүс икдүлджәнә.

А. ДОРДЖИ-ГАРЯЕВ.

Каспийск района „2-я пятилетка“ колхозин ахлачин дарук.